

秦州記

右記



民國第一壬午八月

秦州記

吳永恆題



秦州記

全一冊

編輯兼隴南叢書編印
發行者天水縣志局

校對者 鄭彤雲

中華民國三十二年十二月初版

序

魏晉以來地記之書著錄者二百五十二卷梁任昉增陸澄之書八十四家梁時皆在焉自金陵瓦鮮江陵傾覆南北典籍盡為灰燼至隋代而僅存者五十五部目存書亡乃居泰半以地域言其屬於北方者若潘岳關中記載延洛陽記華延雋洛陽記常景後魏洛陽記裴秀冀州記盧植冀州風土記荀綽冀州記張曜中山記伏琛齊地記杜預汝南記秦州軍事任預益州記李膺益州記張瑩漢南記郭仲產秦州記仇池記隴右記南雍州記即陳錄所云襄陽記等斷簡零縑分見於羣書徵引而已近代學人討研目錄傳志輯佚若武威張澍所輯段國之沙州記西河舊事辛氏三秦記等陽湖洪亮吉所輯晉太康土地記南海曾釗所輯劉欣期交州記烏程嚴可均所輯吳興山墟名鄭氏湖錄殘編所輯吳均入東記董理叢殘精校增註藝林重之秦州領域在晉至廣按晉書地理志曰魏分隴右置秦州

中間暫廢泰始五年以雍州隴西五郡涼州之金城梁州之陰平合七郡
置秦州鎮冀城太康三年并入雍州七年復立鎮上邽統郡六隴西南安
武都陰平三縣郡隴西武都首陽臨洮狄道四縣南安郡隴西新成紀六縣隴西宕陽郡隴西
渭平武都宕陽清水四縣武都郡隴西下邽河池忠帝分隴西之狄道臨洮河關
又立洮陽遂平武街始興第五真仇六縣合九縣置狄道郡屬秦州張駿
又以狄道縣立武始郡江左分梁為秦寄居梁州名同而地則異矣州記
之作章氏隋書經籍志考證以為梁庾仲雍作梁書考梁書庾仲容傳
字仲容潁水鄢陵人太清武帝時卒抄衆家地理志書二十卷行世經籍
志有仲雍湘州記二卷而郭仲彥亦有湘州記仲彥事跡無考崇文總目
仲彥有湘州記一卷審為仲彥之誤記中兩見義熙年號其為晉後人所
撰無疑而後書郡國志注隋經籍志太平御覽皆作郭仲彥當從衆說仲
彥事跡宋書無考惟見史通正史篇敘十六國史云燕太傅長史田融宋

尚書庫部郎郭仲產北中郎參軍王度追撰二石事集為鄴都記趙記等
書又唐余知古渚宮舊事曰郭仲產為南郡王從事宅在江陵枇杷寺南
元嘉末起齋屋以竹為桷竹遂漸生枝葉條長數尺扶疏翡翠鬱然如林
仲產以為吉祥俄而同義宣之謀被誅焉按南郡王義宣反事在宋孝武
孝建元年云隋經籍志郭季產有集異記似為仲產弟者往余每於乙部
得記中遺文輒筆之於書鱗爪自烹今歲棲遲里門避紛偕隱山中聽雨
度日如年故篋自携綴袖成文曷敢繼躅前修聊補桑邦故實耳因為志
其屋略如右民國三十年八月馮國瑞

秦州記

宋南郡王從事郭仲產著

天水馮國瑞編輯

隴西郡隴山其上懸注當作溜於中嶺泉亭名曰萬石泉泉溢漫散而下溝澮皆注有人昇此而歌柳覽

國瑞按今汧隴屬後魏時之東秦州隴山在劉宋時應屬秦州天水郡記屬隴西郡疑誤

隴山東西百八十里登山嶺東望秦川四五百里極目泯然山東人行役升此而瞻顧者莫不悲思故歌曰隴頭流水分離四下念我行役飄然曠野登高遠望涕零雙隴汧隴無蠶桑八月乃麥五月乃凍解後書郡國志漢陽郡注引

國瑞按隴山在今隴縣西北御覽引周地圖記文與此條略有同異曰其山高處可三四里登山東望秦川可五百里目極泯然墟宇桑麻與雲霞一色其上有懸溜吐於山中為澄潭名曰萬石潭流溢散

下皆注於渭東人西役升此而顧莫不悲思其歌云隴頭泉水流離
四下念我行役飄然曠野登高遠望涕零雙顰是此山也

隴山東西百八十里在隴州汧源縣西後書隗囂傳注

國瑞按後書隗囂傳使王元據隴坻下注云坻坂也郭仲產秦州記
云云汧源舊隴州治寰宇記大震關在汧源縣西六十一里後周天
和元年置今為隴山關漢武帝於此遇雷震因名

隴阪

九曲不知高幾里

文選四
愁詩注

國瑞按張平子曰愁詩三思曰我所思今在漢陽欲往從之隴阪長
應劭曰天水有大阪名曰隴阪李善引記云云說文隴天水大阪也
漢書楊雄解嘲曰響若坻隤應劭曰天水有大阪曰隴坻其山堆旁
著岵落作聲聞數百里故曰坻隤今山坡岵隤淫雨山洪後往往有
之坻坂坂隤一也

秦野多蒲萄

御覽
九百七十二

國瑞按本草經曰蒲萄生五原隴西燉煌

隴西襄城

當為武
字之誤

縣有牛山是出當歸

御覽
六

國瑞按襄武故城在今隴西縣西南漢置縣屬隴西郡後漢末移郡治此唐為渭州治寶應後末於吐蕃縣廢府志襄武故城在今縣東五里嘉慶統志隴西瓜牛山在寧遠縣西南二十里高五百餘文上有日月空日月未出其光先照范子計然曰當歸出隴西無枯者善本草經曰當歸生隴西

隴西襄武縣出黃耆

御覽
八

國瑞按梁書鄧至國天監五年舒彭遣使獻黃耆四百斤

乞佛虜乾歸未移抱罕金城見鼠有數萬頭將諸小鼠各銜馬屎羣移而度洮麗二水悉上抱罕旬是二年而乾歸徙焉

御覽
九百十一

國瑞樓麗水即灘水在河州劉宋時枹罕屬隴西郡

枹罕原北有鳳林川川中有黃河水東流

水經注
河水二

國瑞樓晉書地理志隴西郡有狄道縣隋地志以狄道縣屬金城郡
枹罕事故屬隴西郡中文也枹罕原十三州志在枹罕縣西北罕開
在焉昔慕容吐谷渾自燕歷陰山西馳而創居於此州志一名廣大
原在州北二里今俗稱北原四望寬平居民稠密東西八十里南北
四十里又名萬頃原其上有重臺原原北有鳳林川水經注河水東
歷鳳林北鳳林山名也五蠻俱峙者彥云昔有鳳飛遊五峯故山有
斯目隋地志枹罕縣有鳳林山元和志在州北三十五里

枹罕有河夾岸岸廣四十丈義熙中乞佛於此河上作飛橋橋高五十丈

三年乃就

水經注
河水

國瑞樓嘉慶統志河州有摺橋在州東十里兩岸禹鑿石蹟尚存又

洧湖橋在州東三十里相傳上古時州境皆湖禹疏鑿之導水入河
因名又大夏橋在州南三里凡五十六空伏佛所造不知孰是

河峽崖傍有二窟一曰唐述高四十丈西二里有時亮窟高百丈廣二十
丈深三十丈藏古書五筭亮南安人也

水經注
河水二

國瑞樓積石山在河州西北接西寧界亦曰小積石山本古唐述山
也水經注黃河北有層山山甚靈秀山峯之上立石數百大亭亭傑
豎競秀爭高其下層巖峭舉壁岸無階中多石室室中若有積卷而
世士罕有津逮者因謂之積書巖巖堂之內每見神人往還俗人不
悟其仙乃謂之神鬼彼美目鬼曰唐述因名為唐述山指其堂密之
居為唐述窟屋下有水南注河謂之唐述水括地志小積石山在枹
罕縣西北七十里元和志枹罕縣積石山一名唐述山今名小積石
山而又有說焉御覽引州圖經曰唐述窟在郡之龍支谷彼人亦罕

有至者其窟內有物若似今書卷因謂之精巖。內時有神人往還。蓋古仙所居耳。羌胡懼而莫敢近。又謂鬼為唐述。故指此為唐述窟。又曰河崖傍有二窟。一曰唐術窟。深四十餘丈。高四十餘丈。中有三佛寺。流泉浴池。鑿石作文六像三百餘區。其西二里。則曰時亮窟。高百丈。廣二十丈。深三十丈。亦有泉水。藏書五卷。唐術時亮皆古之孝行士也。唐人法苑珠林卷五十二載。晉初河州唐述谷寺者。在今河州西北五十里。度風林。津登長夷嶺。南望名山。積石。即禹貢導河之極地也。眾峯競出。各有異勢。或如寶塔。或如層樓。松栢映巖。丹青飾岫。自非造物神功。何因綺麗若此。南行二十里。得其谷焉。鑿山構室。接梁通水。遠寺華果蔬菜充滿。今有僧住。南有石門。環於河上。鐫石文曰。晉太始年之所立也。寺東谷中。有一天寺。窮討處所。略無定止。常聞鐘聲。又有異僧。故號此谷名為唐述。羌云鬼也。所以古今諸人。

入唐述者每逢仙聖行住恍忽現寺現僧東北嶺上出於醴泉甜而
且白服者不夫杜南秦州詩第二十藏書聞禹穴讀記憶仇池即指
此古佚叢書有遊仙窟一卷紀奉使河源於神仙窟遇崔十娘事首
題唐寧州襄樂縣尉張文成作日本人因定為張鷟所撰唐書稱鷟
儻蕩無檢罕為正人所遇屬文浮豔少理致其論著率詆誚蕪猥以
證此書殆可信也又謂鷟早慧絕倫凡八應舉皆登甲科有青錢學
士之譽所作大行於時晚莫不傳記新羅日本東夷諸蕃每遣使
入朝必出重金賄其文其為遐邇推重如此雖以浮豔蕪猥未能久
傳於吾國而影響於日本文學則甚鉅遊仙窟記載殆由唐述時亮
依託而來其卷首有云若夫積石山者在乎金城西南河所經也書
云導河積石至於龍門即此山是也僕從沂龍奉使河源嗟運命之
遙邇歎鄉關之眇邈張鷟古迹十萬里之波濤伯禹遺踪二千年之

坎隆深谷帶地鑿穿崖岬之形高嶺橫天刀削巖巒之勢煙霞子細
泉石分明實天上之靈竒乃人間之妙絕日所不見耳所不聞日晚
途遙馬疲人乏行至一所險峻非常向上則有青壁萬尋直下則有
碧潭千仞古老相傳云此是神仙窟也人跡罕及鳥路繞通每有香
果瓊枝天衣錫鉢自然浮出不知從何而至云云嗣述過十娘事雜
以詩歌浮豔少理顧亦唐代積石間之一異聞耳

以上隴西郡

中平靈帝五年分置南安郡

後漢書郡國志
隴西郡注

國瑞按漢置源道縣在今隴西縣東北渭水上本屬天水郡後漢屬
漢陽郡靈帝中平五年分置南安郡十六國春秋咸康元年張駿分
南安郡屬河州西郡乞伏國仁建義二年南安祕宜降拜為東秦州
刺史熾磐建宏七年赫連昌遣其叔韋武攻南安拔之宋史州郡志

魏書地形志皆作桓道隋書地理志隴西郡統隴西縣舊曰內陶置
南安郡開皇初郡廢改曰武陽縣八年又改為隴西

以上南安郡

天水郡治上邽城前有湖水冬夏中停無增減天水取名由此湖也

漢書地理志天水郡師古注引詐秦州地記又御覽二十

國瑞按天水郡治上邽原係一地和志上邽後魏避道武帝諱改
曰上封廢縣為鎮隋大業元年復為上邽縣唐書地理志秦州本治
上邽開元二十二年以地震徙治成紀之敬親川天寶元年還治上
邽大中三年復徙治成紀寰宇紀上邽縣唐天寶末陷入吐蕃大中
初收復為鎮舊志天水古郡在州東南一里秦時古城也今州城即
唐天寶中所築雄武城水經注上邽縣舊天水郡治五城相接北城
中有湖水有白龍出是湖風雨隨之故漢武帝元鼎三年改為天水

郡其鄉民悉以板蓋屋詩所謂西戎板屋也是天水得名以此考古
郡城東垣故基在今縣城東一里五城相接規制彷彿仍昔其云北
城中湖水疑道元之誤今城西南隅有湖水嚴冬不涸唐宋以來稱
南湖有南湖寺湖水衍流與藉水合而入渭俗稱官泉記云上邽城
前有湖水當即指此而又有說者嘉慶統志上邽故城在州西南山
川載天水湖在州西南七里並引秦州記水經注二說此湖在今縣
城西南五里許清冽與南湖無異俗稱天井井或即郡之音轉有寺
曰靈源宋建有小市亦稱天井天水得名不出因此二湖之故

成紀縣有石臼中水深數尺水旱無增減故名因此為天水郡

御覽
二十四

國瑞按石臼中水深數尺似仍指南湖而成紀故城在秦安北縣漢
置後魏省元和志縣東南至秦州百里本漢舊縣周復置屬略陽郡
隋開皇三年屬秦州舊唐書地理志成紀縣舊治小坑川仲產所記

自係指舊治小坑川言開元二十二年移秦州治敬親川成紀亦徙
新城地理通釋城在今縣北三十里宋時移成紀之名於上邽故縣
遂廢

上邽縣北有利山川中平地有土堆高五丈生細竹翠茂殊常二楊樹大
數十圍百姓祀之後漢書漢陽郡注

國瑞按利山當為邽山之誤水經注渭水東歷上邽縣北邽山之陰
通志邽山今謂之卦山在州西北三十里即伏羲畫卦處今名畫卦
臺山中斷忽突出小山上有羲皇廟北為龍馬山渭水流經其下中
有石屹然名分心石又有邽山在清水縣東南三十里乃隴山之支
麓也民俗祀樹乞靈往往有之

天水縣界有水一派北流入長道縣界

杜詩注

國瑞按縣在今縣西南八十里曰天水鎮方輿勝覽天水縣石晉時